

~ ~ ~ ~ ~
& A TESTA GIUSEPPE CHE MI SEGUE CON SIMPATIA: &
& &
& SONO NOBILISSIMI I MISTERI DELLA PENNA &
& &
& QUANDO ACCOPPIATI ALL'ANIMO MANIFESTANO &
& &
& LA VERITA'. &
& &
& IL GALLO CANTA E PUO' QUALCUNO SVEGLIARE. &
& &
& &
& IN OMAGGIO. &
& &
& *Lilietto Basilio fu Giuseppe* &
& &
& MISTRETTA 24/6/1970 &
& &
& ~ ~ ~ ~ ~

PIETRO BASILIO FU GIUSEPPE

FRATI FILARETO

LEGGENDA

DIALETTALE

Cu tuttu l'affettu e amuri particolari
a li me tri figghi la vogghiu didicari
e ncunfienza diri:
Siti lauriati, diprumati -quanti sacrifici
fatti... ringrazziannu a lu Signuri- superati
onuri granni e surisfazzioni ora mi rati.
Si sti scarapuocchi mii li curriggiti
prima di rarioci scarsu votu o lu bucciati
a la cuscenza pinzati:
Cunzidirati, ma cci putim fari l'annu appizzari
è grannuzzu, cc'hiavi a licenza elimintari,
giustizzia e ncelu vardari.

Tibetta

Lu quattordici nuviemmiru du millirucientusittantatri a vintunura- dopu novi misi di giustu caminu arrivau frati FILARETO a Serra Binirizzione, vasau nterra cchiù di na vota era letu- isau ncelu l'occhi cu surisfazzione; ncunfruntu a lu puostu e da stasciuni- friddu nu faccia, celu chiaru e stiddatu la luna quintaddedima iornu paria, accussi potti vardari tutta la città ca sott'occhiu cci vinia.

Dopu na longa cunzirirazzione cu suspira ca cci nisciera du cari- arasciddu arasciddu si misi a caminari viersu la chiesa cchiù vicina, silinziusu tuttu era- lu suonnu assumigghia a la morti- i casi cchiu basi parianu piecure addumisciuti- li cchiù iavuti- fantasimi isati- cuomu ncanidi vardia nfunnu stava u castieddu iavutu e forti; d'arreri a porta da chiesa stetti tutta a notti- priannu lu Signuri e la Maronna a voci forti, dumannannuci razzia pa bona arrinisciuta - d'aviricci sorti.

Versu li quattu cantau gnaddu, picca passau e nni cantaru autri ancora- di li gnaghi, di porti, di finestri e di spragghi- vitti lustrii di cannili- dopu ntisi ciciulii e passi pi li strati- era la genti chi partia pi siminari, a pasciri l'armali, pi ricogghiri l'avulivi, lu mastro furgiara la putia apria pi zappuna, fesi, vommiri azzariari- ogn'unu di l'arti sò si muvia, pi lu pani irisi a vuscari.

Circa un'ura dopu lu saristanu la chiesa apriu, cu la campana a chiddi chi suntunu di iri a la missa chiamau, lu Fraticieddu di n'agnuniddu da veru seriv di Diu l'ascutau, quannu a lu cibbu eternu s'accustau- lu Parrinu e cu lu tali au- l'occhi vagnati ci trovau.

Lu Francisi- sir Manuele si chiamava, chiddu chi Amastra a ssu tiempu cuvirnav -omu tirannu, crurili, barbaru e riu- di cristianu sulu lu nomu avia; tuttu ristrutturatu era- lu puopulu china d'abusi e di supirchiarii- stintatu e mmiseria compava, frati Filareto di tuttu era bonu nfirmatu e di prupositu vinutu avia.

Finuta la missa pinzau: nun'è lu casu d'aspittari, ora stissu cci divi parrari ma cuomu sempri succeri- cci sù li cuntrastanti pinzeri, na voci nterna cci dicia la palummedda pò l'acula affruntari? e pi smaccu pari ca cci riria- nautra o cuntraria cci gridava- la raggiuni, la firi sù cchiù granni e forti- vincinu, triunfanu supra la stissa morti; curaggiu si fici e arrisuluviu -eccu dda scalunata longa acchianari, quannu ncima arrivau- cchiù forti cchiù armu si sintiu.

A porta du castieddu cci stava comu mpilieri chiantatu n'Alabardiere ca vidennulu avvicinari fici na lalia smorfia qua facci- pi subito diri: cer patiri divi la fami pi fina cca supra acchianari, si nni voi sulu acqua ti pozzu dari, lu pani nun si riala- ma si scunta e stenta macari- bedda, arti arti leggìa è l'addimannari- fa na risata stramma- vacabbunnu, vattinni a

travagghiari!

Accussi, accussi la sientunu li cchiù, lu beni nun si fa nzi riala.....ti sbagghi figghiu- nun'è chistu lu sapiri fari e lu duviri.... Ad'autru è lu me pinzeru vutatu- binchi tutti li vadduna sbuccanu a mari.... Disidirassi parrari cu sir Manuele, dicci: c'è frati Filareto - natu e crisciutu ntrà stabedda terra di Sicilia; cci mittiu na munita d'argentu ntà li manu - maravigghiatu la talia nci parissi veru, cu l'occhi priati senza sciatarì s'alluntana, dopu mmumintuzzu di trasiri cci fa nzinga cu la manu senza ca lu chiama.

Lu cuvernaturi tuttu chi si pulicia e frasturnatu lu ricivi: cu si, chi vui, spicciati c'haju chiffari. Di chiddu ca tuttu sa, vidi e pò sugnu mannatu, ascuta da' me' vacca la sò palora- cci furmiculiau lu sangu pi tutta la pirsuna- comu na pampina di canna rir Manuele trimau, pinzannu a cocchi sbintura- macari ntrà facci di culuri canciau; lu Frati carmu assinnatu cu canciamenti d'isprissioni e di muori cci misi a diri: Attia ha statu affiratu a vita e lu beni di l'Amastretti, comu t'ha cumpurtatu? Cca ccera la vita sana armuniusa e pura, si scialava pasculi, manniri di vacchi, piecuri, crapi, muli e ghimenti, fiura di furmientu e favi siminati, iardina, uortà, aulivi, castagniti, si cantava ntrà li putii, ntrà li casi, urdennu, filannu e tissiennu lana, cuttuni, filu e linu- ora ntrà lu spazzu di poc'anni la ruvina cci scattiau, comu li nigghiazzu supra la palummedda chiummau. E si passa la manu ntrà la frunti comu pi luvari li mali pinzera.

Nui havimu staterra cunquistata e simu li vostri patruna! Arrabbiatu comu ncani arrispunniu lu Francisi- e cu na farsa risata chiunchiuri: attia nu nti ntressa la Vita!?... Nu sai ca cu perdi palai spisi? Cu pruntizza e paternamenti siquittau lu Frati: Eccu lu sbagghiu o puru cuntinu malu fattu pircui da rifari, pi cunzari no pi vastari pi spartiri li stessi distini, vinistivu d'amici, di frati ca vannu a libirari, no pi supirchiarì fari, si pui siti i patruna- nun'è vostru ntresi farivi amari? Fuorsi è cosa di cuntari e carusieddi ca chiddu chi si simina s'arricogghi e tutti havimu di riciviri e di dari?? Arrennici chiddi chi t'ha pigghiatu, vò beni a tutti ricchi e poviri si vò esseri amatu- "ncè servu cchiù granni di chiddu chi t'ha mannatu"- Ascuta, ascuta sti palori: tri provi priculusi ai da passari- i primi rui cu stienti supirirai, accussi risponi la misiricordia di Dio- l'urtima, passa lu celu, la terra, lu mari, attia stà si ti vuoi sarvari. Ci vota li spaddi cu ducazzioni e catammari catammari s'alluntana, ricittannu la litanìa ca ntrà peni, trivuli, nicissità e dulura accurza la via. Comu nu ntuntutu arristau lu Francisi- chi l'accumpagna cu l'occhju spirdutu e parrannu comu s'avissi a lingua mpacciata: ma cuè chistu? chi cosa m'havi a succeriri? chi fa mi suonnu? sugnu iu o iddu di sienzu artaratu??....Pi diviersi iorna e notti si ripitiu ssi dumanni fina ca lu sienzu si cci nni iu ad'autri banni.

Unni oggi cci su li scoli, a ddu tempu era tirrenu scapulu- oggiru, unni cc'è lu munumentu- cc'era macari mmargiu- di propriità da chiesa- ddocu frati Filareto si cunzau di sirici parmi quatri circa mpaghiaru- di bora, iungu, inostri, i

ciarivuna di cierru o pizzu du Cuorivu nci mancaru; cci cunzau du iazzi, unu pi iddu, e l'altu pi siriviri ncochi bisognu- no mienzu n'artariceddu cci cumminau unni mai na lampa a uogghiu mancau- accussi la sò opra santa cuminciau. Curau malati- apuostulu, cunzigghieri, luvau liti, miraculi fici- unni trasia purtava lu surrisu, la firi, la paci e muribbunni viaticava- lu cunfuortu eterno ci rava. Sempri firriannu- campava di limuosina e limuosina faccia- mai si rifiutava a li chiamati- puru di notti e cu malu tempu comu si prisintava; lu Francisi lu spiava, cci manna genti firata iddu stissu cci ia d'appriessu, quasi si scantava- lu circava comu pi spassu, faccia capiri- ma nzustanza era disidiusu di sapiri, chiddu chi cc'hiavia dittu- ca pi iddi era mmisteru fittu, capia lu frati e cu nasu finu canciava- lu discursu senza chi mai l'urtava.

La matina di l'ottu sittembri, mentri chi durmeva fu arrivigghiatu pigghiri assiatiri nu malatu assai gravi c'abbitava e rumii allimmitu du vadduni comu lucariu na pruprietà du Baruni- Na strata assai mpacciata, china di petri, brugnoli, ncannilera, atrigni, ruvittusa- tutta scinnuta, n'ura e menza circa di caminu. Arrivaru davanti nchianu di nucipersichi firriatu, nfacci c'era ngranni casigliatu, o latu na casuzza ca paria turchena, ncasalinu- supra na ittena curcatu stava nviechciu di novantunanna, ca lu vitti o lu sintiu e tussiu- aspittava michinu; trasennu frati Filareto u primu- cci rivurgiu la palora: massaru Piddu comu vi sintiti.... a lu piaciri vostru- chi vuliti.... cca simu... Lu viechciu lu talia e pari priatu, vulissi parrari ma la forza cci manca, cci stà spiddiennu lu sciatu, e dici troppu stintatu: grazzi.... ntrà grutta... dda.... vogghiu esseri.... Madonna.... Ma... do.... nn.... A.... Fratello, lu tò disidderiu è pinnui sacru- comu la manna- nu dubitari; ci mittiu lu Crucifissu ntrà la vucca- acqua salutari; lu muribbunnu parpariannu parpariannu li labbra mentri paria d'assapurari- sbavaluciau luocchi, canciau culuri, na l'arma cci nisciu- ma nappi forza di culari; va, vè mpaci a nomu di lu Signuri. Ogn'unu pi rispiettu o p'amuri dda manu fridda vasau, frati Filareto nfrunti e pi tri voti arribbricau- dopu nvitannu a fari lu stissu all'altu- s'addinucchiau- e a vuci forti la litania ricitau.

Appena finiu addritta rispittusamenti si isau- e cummuvutu dumannau: un'è; la rutta? unu cu l'altu nfacci si vardaru n'avennula mai ntisu muntuvari, lu cchiù nzianu, ca faccia di tant'anni lu campiari, cu fari spiritusu si misi a parrari: ntrà lu tirritoriu nostru ci nn'è cchiù d'una- chidda di.... aspittati quantu cci pienzu.... ha si, chidda du Raffu- sutta Masciddinu, nu la sapiti? nfacci a lu Bruzzullinu, n'altu è... cchiù sottuliddu ntrà la vaddunata o Carpintieri, vicinu a funtana du Sirpenti, bedda acqua chissatu mmiernu caura a stati fridda, surgiva di tutti i tempi; ci nni sù tanti autri ma picciddi, una a Cuttufa, n'altu o vausu di Filippieddu, la cchiù granni è dda -faciennu nzinga cu la manu- o pircinu du Castieddu- ma nuddu ccià trasutu mai, cci sù i spirdi- e si fici la cruci pi tri voti spavintatu' e tantu sa fici lestu- ca cci fici cariri a birritta a chiddu ch'havia all'atu.

Nuatri avimu a ghiri adocu, mustrannu lu Crucifissu, unni cc'è Cristu nc'è timuri

iddu alluntana e sperdi ogni mali- macari li spirdi- si cci sò ntutti l'uri;4
dda lu sippillimu- lu sò risidderiu pinnui è tistamentu. L'agghiummariaru ntrà
nu linzuolu nuovu, cci misiru mparu di patrinnostira na li manu- e si misiru
ncaminu ricitannu salmi e autri prieri- tririci eranu numiru pirfettu.
Arrivati a vucca da rutta- ca prestu truvàru- pusaru nterra ddu corpu mmastunutu,
ma nuddu di trasiri sinnu faccia, lu Frati capiu e cu carmizza si signau, ntrà na
manu lu Crucifissu na l'autra na cannula e s'infilau. Arasciu arasciu caminava,
si scantava sulu si caria- accussi megghiu potti taliari nzocchi c'era; forsi
era ncapricciu dda natura, na cava di petra abbannunata, abbitata d'armali sali=
vaggi- na bona ammuccicchia di genti mafiusa ricircata da liggi? ca pi cumminien=
za- nisciu a riciria di li spirdi quantu nuddu cci ia.
Na lucalità ca faccia appagnari o mieghiu ca si senti, cu macchi russigni niuri
comu la pici affumicati, ossa nterra, petri aruzzulati, cocchi filu d'ariva o
culuri di chidda di sabburchi, umiti muffiti tutti i lati. Dopu c'havia fattu
ntrenta passi di caminu- ntra mpuntu cchiù largu si truvau, mentri chi vutava
davanti e d'arrieri lu sguardu- di na luci sprinmenti fu alluciatu, ci trimaru
li vrazza e li cavigghi- vulia irirari ma nu lu potti- picchi nterra cariu
sbinutu- comu li muorti'


Unu di chiddi ca fora arristaru- sicuramente lu cchiù curaggiusu e forti, ntisi
lu scruscio e pinzau: cocchi cosa pi certu cci succiriu e dissi cu fari frittura=
lusu- ma chi uomini simu ri pagghia o di stuppa- ficimu iri lu munachieddu sulu?
Iddu ca tantu beni fa a tutti ntra lu bisuognu si trova senza nuddu comu mmulu?
Caminati porca miseria- imucci d'appriessu a li cosi stuorti si cci trova lu
viersu; nautri rui l'assicunnaru e ccu na ncetta di carivunara a manu, puru
icci ntrà rutta si nfiararu.

Arrivati unni lu Frati nterra era- cu li virazza apierti comu San Franciscu forti
griaaru: Viniti! Viniti! Curriti nvi scantati! miraculu! miraculu granni- cceri!
A Maronna, a Maronna manna luce di tutti banni!

Accussi tutti rurici ottornu a lu Frati si truvàru- chi prestu rinvinni-
ringrazziannu lu Signuri e la Maronna- ravanti di adu quatricieddu s'addicue=
chiaru, frati Filareto capiu ca lu massaru Piddu appi dda cilesti visioni prima
chi muriu; a adu corpu l'acqua biniritta cci ittau- e chi fussi a li pieri di
lu quattru cu delicatizza vuricatu urdineu.

Chini ai firi e cu tuttu rispiettu si mittieru add'opra piatusa, dda terra unni
si scavava paria na cosa mistiriusa- parti comu s'avissi stata smuvuta lu
zappuni affunnava- parti comu si di li seculi mpitrata lu fesi trabballava;
ntravagghiu faticusu ma fattu pi firi, p'amuri, no pi ricumpenza di dinari,
nuddi rissi ca si stancava, puru si da frunti lu suduri cci culava- macari lu
Frati assistia e petri arrisittava; sulu lu sciaturu e cocchi suspuru si sintia
e li corpa di fesi e di zappuni- ogn'unu pi certu a iddu stissu pinzava- ca la

stissa fini cci tucava. A ncertu puntu arrivati- primu cu granni spaventu, dopu
 du Frati ncuraggiati- ~~scavannu~~ scavannu truvàru i schelitri di du Gisanti- di
 circa quattordici parmi l'unu boni misi e boni cunzarvati- maravigghiati nfacci
 si vardaru nzapiennu s'eranu vigghianti o addummisciuti, lu Frati mustrannu
 amurusamenti lu Crucifissu dissi: curaggiu fratelli, dopu vi dicu di chi si tratta
 pi ora siquitati- chista è iurnata ca mai v'a scurdati.
 Discurriennu, discurriennu di chiddu c'havia succirutu nautri du' fossi pi
 Gisanti scavaru- una pi latu- dunni lu massaru Piddu fu vuricatu. La nutizzia
 di vuca mucca parsi ca vulau- nfinu a li vicini burgati arrivau- a Santu
 Stefanu di Canastra, a Motta, a Riitanu, a Castidduzzu e Pitiniu. La curisità è
 assai granni- pari ca fa cissari li chiffari e li malanni; assai genti pi vidiri,
 sentiri e sapiri accurriu- macari sir Manuele allucutu arristau, misteri,
 grannizza di Diu, ca nuddu pò canusciri e sapiri- la luci pi ottu iorna rurau.
 Supra nartaru lu quattru fu misu- ccera lu va e veni- notti e ghiornu si priava,
 sintiennusi l'arma mpararisu. Circa nzeculu dopu na mistiriusa frana mienzu
 castieddu si purtau - da parti d'unni spunta u sulu prima e ogni traccia dà
 grutta cancellau - lu puopulu sempri divotu e piu- di l'altu latu - no filiciaru
 na chiesa cci custruiu, a sciancu sò dopu se seculi lu gran postu addivintau:
 unni na petra, na cruce, nciuri, na lampa riorda li cari piduti- l'armuzzi Santi.
 Accussi chistu lu locu ristau unni lu rui di nuviemmiru si prea e si chianci,
 luottu sittiemmiru si prea e fisteggia a MATRI LUCI E I GISANTI.




Lu vintirui di nuviemmiru di l'annu appriessu - na lalia nutizzia la genti sintiu e dici, ca sir Manuele mentri cacciava ncuntrata Malitterri na mala caruta fici- mpiculu di morti si trovava a casa di PIRUNA ntrà gnazzu curcatu, tuttu sciatu, chinu d'ammaccaturi e la testa l'avìa aperta comu ngranatu. O sò capizzu frati Filareto prestu accurriu- dū uri di strata- dda stetti notti e ghiornu vighiau; fasciava nfasciava li firiti- i labbra cci vagnava ca era arsu di siti- Cchiù praticu d'un Miericu s'addimustrau- di tanti erivi li virtù canuscia- di certuni lu sucu a biviri cci rava, autri pistati ni li chiai mittia ;li cchiù mmraculusi foru: la niputedda, lu crisciuni, a pulicara- iddu cu li sò manu cughia, cu lu surrisu, ca è cunfuortu ranni' li palori accumpagnava, tuttu facia cu carità e veru amuri- di miericu, d'assistenti, macari li robbi ntò vadduni cci lavava.

L'unnici di innaru o castieddu quasi varatu riturnau- assai genti a salutallu cci iu- nè casi, nè putii, n'ogni antu, si pallava di lu fattu e si dicia: pirchi è cosa tinta campau, autri -li cchiù sperti chiamati- cu pena finta, quantu ssa cacciata cci custau!

Ma lu spallu trigghiorna rura- pari na cosa chi passa e ssi nni vè, cū cci pinzava e priatu era, frati Filareto- ca videva la prima prova superata, priava a lu Signuri a dda iurnata ddu triunfu dda virità.

Pari ca fussi na cosa stramma- ntantu è lampanti virità, ca li binifattura sò scurdati quannu lu mali si nni vè- turnannu peiu di prima ntrà la farsità.

Lu tiempu curri, vola e passa, lassannu la sò traccia- miatu cū beni ha fattu e di l'upratu sò mali nū lassa.



L'annu appriessu na bedda iurnata d'ò misi di maiu- sir Manuele già ntuttu varutu- di fari na sciapagnata fina a Missina urdinau, ne divertimentu e quannu c'è cu li spisi paia, assai cci nni sò amici- ncumpagnia di sti cori filici -circa na vintina- cuntenti e spinziratu partiu dda matina. Tutta la iurnata baccagghiannu caminaru, la notti a Sanfrarieddu- ncasa di sò cunnazio- nali si pirnuttau, ficiru festa e bardoria ranni, macari qualcunu simmiriacau.

A suli iavitu ripigghiaru lu caminu- pi strati muntagnusi cu acchianati e pinninu- spissu ncuntrararu vaddunati cu sciari, petri e passi ubbricati; viersu a viamaria arrivaru ntrà nviuolu strittu strittu a forma di zichi zichi- quanneranu versu la mità arrivati- s'addunaru ca era chinu di rizzuna ammun- ziddati e passari nuddu putia si n'eranu luvati. Stavanu scienniennu d'accavad- du quannu nfriscuni prilungatu sintieru- isaru la testa e friddi arristaru- vidennusi di cchiù di cientu arcieri atturniati cu l'archi isati, ca comu li vespi saffacciaru d'ogni latu- o tiempu stissu na forti voci gridari: facci a terra carugnuna e latri! ittati ogni arma c'haviti! si nu vuliti arristari cu la terra mpicciati!

Na situazzioni dispirata nò ncera nenti di fari- ittari l'armi e nu pallari; ngagghiati eranu ntra la riti comu li pisci a mari- isaru li manu e si ficiru comu li citrola attaccari- chini di virivogna e russi d'abbili. Tutta la notti i ficiru caminari e parti du iornu appriessu- cu luocchi attuppati e cu palori sempri i stissi: caminati! cu si ferma cci sò vastunati! Quannu di fimarisi luordini fu ratu- si truvanu mmienzu a nò vuoscu a' filici, arivuli, ruvuli, bruzzullina, puma, prania, urmi, uocchi atrigni e faggi- comu la benna cci luvaru avienu l'occhi di niuru circhiati comu li scaravagghi- unu cu l'altu nzi putienu taliari eranu cu li manu pi d'arrieri attaccati- comu la panzetta di maiali o li carni salati.

A unu a unu cci fu ratu a manciari- pani e bruoru cocchi vacca appiru ammazzari mpocu di pagghia nterra pi durmire- nu veru accampamentu pi surdati- e di genti cu certi varivi buoni vardati. A unu di chisti sir Manuele dumannau di vuliri cu lu sò capu parrari, risposta sicca e senza arribbricari: iddu vi chiama quannu cci piaci e criri. Quantu fù longa ssa nuttata- cci parsi ca mai vinni la matina, versu li novi fu purtatu davanti a n'omu ben furmatu- d'età vicina a cinquantina, cu muori e muximenta fini- cci dissi chiamannulu di nomu: ben truvatu- comu mai lu valurusu, lu forti, l'eroe di tanti mprisi, lu sciapagnuni accussi attaccatu? e di na risatedda accumpagnatu- lu dipinciu- comu fannu li pratici o tiatru- spagnaturi supra nciusu isatu; l'altu frinannu la colira c'havia: tu si lu capu? Propriu iu, chiffà ti rispiaci?... Ma no comu praticati vuatri signuriniiddi....e amichevulmenti cci desi na manata ntra li spaddi, Manuele fici;finta di ncapiri e cci dumannau: quantu voci pi lu riscattu ca ti paiu? Riscattu! beni pi daveru- mi nni cumpiacciu- viva la franchizza! Viva lu barattu! Dicisti quantu vogghiu pi lu riscattu, lu

umanni sulu pittia? Già, tu pirsuari di l'autri chi nni fazzu...li puortu a sti
 muntagni muntagni a spassu; ma pi manciari cu cci penza- cu cciù fa- ca su mpara-
 di di grassu?... A quantu pari mancu ntressanu a tia- e di provi n'haju supier-
 hiu di comu ntenni la vita e la raggiuni- a spina ca nu mpunci attia- modda
 ccuttuni- Dautru, cosa t'impurtassiru unu, dui, reci, vinti saccunedda di munita,
 'argentu e macari d'oru- cci nn'hai luvatu tanti a li poviri Amastratini pi
 annalli Nfrancia paumintari lu sò trisoru- mentri cca c'è la miseria cchiu crura
 si stenta la vita- ni la terra chiamata: la conca roru.

Qu pinzari ca ti pigghiai pi dinari- ti sbagghi di ruossu e cci pò puntari- nveci
 u pi nu ballunazzu sdunchiari. Cu rabbia e sdignatu gridau lu Francisi: chi
 tenni diri?!... A superbia e l'ira sù mali cunziggheri- carma cci voli, sangu
 friddu- ntrà n'affari comu lu nostru rispunnìu lu Nigghiu- e siquitannu carmu,
 sicuru, friddu: ascuta vuttazzu chinu di vastatu acitu senza sciatarì- si nun
 vuoi ca la lingua ti fazzu cuomu ncani arrabbiatu scippari- Difenniri Cristo, i
 rebbuli, i fimmini è nzacru duviri d'ogni uomo- mparticulari di unu comu tia-
 quattruvienti d'essiri cavaleri vanna; o cuntrariu si n'ereticu, i chiesi
 l'ha fattu spugghiai, i fimmini sdisanuratu senza russuri e cù priputenza, canna
 nasca- citruolu senza simenza; vuoi provi, nomi, documenta fatti? t'abbasta unu
 chi ga pi tutti:

Comu canditu gigghiu, pura comu l'ancili abbitava ntrà na casuzza- ncumpagnia da
 vecchia seriva na picciuttèdda- sempre addulurata e mpriera stava pi lu patri
 luntanu- ca nun sapia si vivu, muortu, prigionieru ni l'urtima verra a Beneventu
 ara; ntrà stu tempu ad Amastra vinni lu tò dighu amicu messer Guido- a casu la
 vitti mentri a la missa si nni ia e si nni namuram - la vosi, lappi pi forza, tu
 l'aiutasti quannu sa purtau- a nenti sirveru lu sò amaru e dispiratu chiantu, li
 biunni capidduzzi chi si scippau- genti vigliacchi, crurili, senza firi, senz'a-
 nimu e senza Diu.

Ma li piccati grossi sù comu li rebbiti, chi prestu o tardi si divunu paiari;
 picca passau cci penzi evveru- l'uffisa fu luvata- a testa du tò amicu comu
 strummula firria- cu na bbona sciabbulata d'vrazzu di chiddu ca bona vardia a
 picciuttèdda facia; havi di ssu iournu, tiempu, dinaru, sacrifici ncuranu- ca ti
 viegnu d'appriessu cu pazienza lu mumentu aspittannu- e ssu li muntagni ca na
 frana li fa ncuntrari- penza l'uomini c'hannu li pieri pi caminari. Ogni risid-
 deriu veni a fini, quannu a li giusti cosi si vò arrivari- eccu pirchi si attac-
 catu, pi scuntari chiddi c'ha fattu e no pi dinari.

Trimannu, smarrutu, cunfusu, bummuliannu quasi- era a rabbia u scantu lu duluri
 c'havia, mancu iddu lu sapia- s'offenniri o difenniri si facia: Chistu è ntrari-
 mientu....mentri caminava pi li fatti mii.... ncumpagnia, senza nuddu risturbari.
 ;;....

sugnu d'Amatra lu cuvirnaturi....dignu di tuttu lu rispiettu....tu cu si pi tan-
 tu usari...nfacimu ca pigghiasti sbagghiu....forsi si lu brianti di li Carunii
 di cu si parra tantu e dà liggi è ricircatu, sciogghimi, lassami iri pi li fatti...
 fatti mi si vò essiri pirdunatu....Fannu ririri li tò palori, a chiddi chi vòg-
 ghia hannu di scialari- ognunu porta lu sò fatu, iu pi chistu nò fò natu....
 tiempu piersu ca ti sfardi lu sciatu.... Cù pigghiau l'omu chi fa sdisonuri a la
 Pruvenza, vinutu ntrà sta terra di sulì, di zagra e d'aranci- nun'è nu brianti: u
 Nigghiu supranuminatu signu, cavaleri di nascita e di criscita chi ama e rispetta
 lu giustu, lu Signuri e li Santi. Ittau na vuci a la campagnola ca rintrunau ntra
 la vaddi fina a lu munti e chiamau: Vastianu! Vastianu! Veni ccà prestamenti! Nu
 giuvani di cursa veni e si presenta- cu giacca a cacciatura armatu finu a li rie-
 ti- nsignali ricivi cù luocchi e ritorna dunni vinni- capiu lu da fari cu la men-
 ti. Ristaru sulì tutti rui, ognunu barannu a li casi sui- sinu ca comu ntrà la
 primavera lu sulì spunta- na giuvani di biddizzi rari si presenta ca li saluta
 senza parrari. U Francisi arreata ca pari mmarsamatu, ricanusciennu ddu bieddu
 visu- chi mai avissi pinzatu rividiri ntrà stù locu e iddu truarisi attaccatu.
 Lu Nigghiu assai curtisi rispanni a lu saluta e prisintannula cu fari garbatu: A
 figghia di sir Marcello Lucia, priscinmenti di nubilissimu casatu- Carroma, Nzi-
 cilia, conzoli, cumannanti, magistrati, baruna e cavaleri ha datu. Di vinnicari
 l'affisa ricivuta l'ura arrivau- eccu lu vili, lu scialaratu; cumanna comu lu vui
 mpisu o squartatu? Ogni risidderiu tuo sarà accuntintatu. Trimau sir Manuele, vit-
 ti la sò fini ntrà vai e peni- suspirau Lucia e la sò vuca bedda s'apriu a nu
 nzurrisu, l'occhi ncelu isau paria n'ancilu di lu pararisu; misiricordia, misi-
 ricordia dumannu pi iddu Signuri! lu pirdugnu cu tuttu lu cori- comu Vui m'inzi-
 grastu a pirdunari.... Gesù bonu, v'allumini apriennuvi menti e cori sir Manuele-
 chi iddu putiti canusciri e amari, e signali fa di salutarì.
 Nò gridu cci nisciu di lu cori a lu Francisi- e nterra cariu addinucchiuni, pic-
 carità nvinniti- cu vò nsignatu stù novu salutu- mu diciti? Nzantomu frati Fila-
 reto, chi sempre prea lu Signuri pi vui e sacciu ca vi canusciti. Grazzi, grazzi
 a iddu e puru a vui- iuru sull'onuri di cava-
 leri, chi la carni di lu mè corpu sia viva abbrusciata e la cinniri a lu vientu
 ittata- vogghiu l'arruri fattu riparari spusannuvi cu pompa e c'onuri, ma primu
 divu arrivari cu l'armi o cu li rinari- la libbirtà ottiniri- facennu a lu Nigg-
 hiu signali- comu a iddu cci fa piaciri.
 Luci di Cristu, grazzi particulari, lu pintimentu le boni ntinzioni, quannu sin-
 tuti sù ddu cori- li piccati fannu cancellari- a Iddu ca tuttu pò dari e luvari la
 vita mia è già cunzagrata nudda cosa a stù munnu mi putissi fari cancellari; rivar-
 du a....Iddu.... è.... chistu vardannula cci ferma lu parrari.... nun sunu vostri
 affari. Vaitivinni madonna Lucia, nui havimu n'affaruzzu di spirugghiarì- v'ac-
 cumpagna e binirici Dio, comu oggi e sempri vi biniricu iu; ubbirienti la picciù-
 ttedda salutau e da strata d'unni vinni si nni iu- nto cori di tutti rui- binchè
 di diviersu culuri e sapuri- prufannu amuri ~~lassau~~.

Lassau.

Lu Nigghiu cù fari di cù primura ~~havi~~ di luvarisi mpisu o nnuluri havi, chiamau Vastianu! chi ntardau a viniri- occhi nta occhi lu vardau u cù palori carni, abbasati, cci raccumannau: t'affiru maronna Lucia idda sarà la cosa cchiù cara pitta, accumpagnala unni nasciu, cuntaci tuttu a lu nostru munachieddu piu' Mannami cca Michele e Saru- faciti bon viaggu e si salutaru.

Comu surdati a lu supraiuri li dui si prisintaru- a lu mumentu stissu la vacca aprieru: e so munanni! e lu ordini aspittaru; cu gintilizza di muori e palori - comu è sò custumi: disiduru, ca ntra lu chianu sutta a ciappazza lu purtati- primu lu sciugghiti e a manciari e biviri quantu nni vò cci dati- dopu, dū boni sciabbuli- da pariri una pigghiati- nu duello tra mia e iddu s'havi a fari - tistimonia tutti vuotri e li priggiunera siti- i quali- cu qualunque risurtatu libbiri ristari- ntra dū uri viegnu, pi comu speru ssū balluni sdunchiari. Allurariu e a lu locu nquatratu d'uomini fu furmatu- tuttu fu fattu comu prima era statu stabbulutu. Si virienu facci attristati, vucchi chiusi, frunti arrappati, ma li sò cori e ni li pinzeri cceranu prucetti, risidderii, purmisioni - e secunnu li proprii ntinzioni.

Comu unu e l'alturu facci a facci foru, cu l'occhi stuorti si vardaru, li sciabbuli ca lucienu comu cristallu o sulì ncruciaru- e lu signali p'attaccari aspittaru- chistu nu tardau e comu dū cani arraggiati ncominciaru- ho spaventu sorti di sciabbulati! a li prisenti li canneddi di li iammi 'cci trimaru- mastri di schiriari tutti rui sū. Sir Manuele cu luocchi sbavaluciati e russi comu lu pinnullaru di mpipiu- quannu cu l'alturu ntrà na strata o ntra lu fumazzaru si sciarriafafudda corpa unu appriessu a l'alturu ca pari ca rannulia- lu Nigghiu carmu, assennatu, cu luocchi mariuoli comu lu supranomu ca havi- pari ca cci sturia li movimenta l'intenzioni e penza t'ha stancari- tutti li para e firannu a la bona raggiuni ca havi- aspetta a lu bonu mumentu- chistu dopu menzura di tirribbili luttari- si cci prisintau- mentri ncuorpu ndirizzioni dū sciancu mancu si parau- faciennu la sciabbula n nimica traviari la sò a lu pettu cci nfilau.

Parsi ntauru lu iriruni chi Manuele ittau- strammia comu si bivutu avissi assai vinu e facci abbuccuni nterra cariu. Cu spavientu, cu prieu, pi ludari, urrà! urrà! lu partitu di lu Nigghiu appraudiu- mentri iddu triunfanti la sciabbula china di sanegu allautu isau- dicennu: giustizia haiu fattu cu cavallaria! ora a lu restu cci pinzati vuatri e lestamenti si nni iu.


Cu gintilizza e dilicatizza lu firutu fu pigghiatu e ntrà nu liettu misu, Lucia cchiù mpartiù e lu mali ricivutu a beni cciàrrinniu, cu affettu e carità comu voli Diu. L'unnumani frati Filareto arrivau e finu ca bisuognu cci fu l'assistiu. Li rui eranu li chiamati ntutti li mumentu disciati- ntra li dilirii da freva biniritti e ringraziati- malirittu chiddu du Nigghiu- cu dispriezzu muntuvatu e cu scummigghiu.

Ntra la vita e la morti passau na simana- ma l'urtima ura n'era sunata- accussi ogni assistenza e miricina profittu facia- e a picca a picca guaria- cchiù dun nissi lu liettu vardau, assai scarsu mpeddi addivintau, li primi voti ca si susiu comu li picciriddi quannu vanu sulì caminau, puru iddu ngnornu ririu, quannu

frati Filareto lu vastuni cci luvau- e cu li vrazza apierti caminannu, nnarreri
 nnarreri, l'aspittau. Lu munachieddu lu cchiù ricircatu sempri a lu so latu
 vulia- chistu gnornu a iddu abbrazzatu cu l'occhi ncelu isati cci dicia: siti
 già varutu, comu sugnu priatu! Ringrazziati lu Signuri cummia- a cui stanu
 suggietti tutti li cosi- puru chista aviti suparatu- e pi la prima vota la
 cruci sir Manuele si facia; suddisfattu lu Frati s'addinucchiau e forti gridau
 diciti assemi ammia: sia ludatu lu nomu di Gesù, Giuseppe e Maria!

La vita nostra è china di spini, stenti e suduri- miatu cu cchiù soffri,
 pirchi cchiù gori- ogn'unu cu la lo Cruci accompagna lu signuri. Resta
 l'urtima a priculosa- chi cchiù conta e vali, didda dipenni l'eterna saluti;
 bona voluntà, curaggiu, furtizza, amuri- cu bonu ncumincia cci arriva cu
 onuri.

66-----66



Manuele stu parrari lu veru significatu nu capia- lu sangu ntra li vini cu vilucità cci acchianava e scinnia- pi mumentu finu ca si rassirinau- comu na pampina di canna lu cori cci trimau; dopu luocchi si cci ficiru luciosi e risulenti, comu chiddi di mpicciriddu quannu cci cala a rinnutura di sò matri e dici: Frati miu, Frati! Fazzu tuttu chiddu ca voi- ma ti preiu d'aiutarimi ni l'opra mia- quantu viu lu Nigghiu a li me peri addinucchiatu- madonna Lucia la me spusa- pirchi sulu idda è tuttu lu mè cori lu mè sciatu.

Chiddu ca disii cchiù nu mpò avviniri- idda munachedda si fici e lu nomu canci- au- suora Crucifissa spusa di Diu; messer Marcello Agrippa pui, lu valurusu, lu forti, l'eroi, supprannuminatu lu Nigghiu- lu sai cu è? sò patri, comu si putissi addinucchiari lu patri a lu figghiu? nveci sarai tu gnornu a rivirillu comu granni maistati- nò sempri li cosi vienu comu sù disiati.

Di la granni supprisa e pi duluri sir Manuele ngridu fici, ca parsi ca l'arma e lu cori cci niscia- iddu! Lu Nigghiu! Lu patri di Lucia?!... Si, chista è la virità pi ogni menti c'arraggiuna- ma simu mpinzeri ca da tanti misi ca è luntanu nutizzii nò duna. Scuntantu, adduluratu, l'amariatu arristau- lu sciatu pi pallari cci mancau- pi diviersi iorna picca e nenti manciau. Ma ogni pena e ogni duluri nun sempri dura ntrà l'upinioni-, dopu la timpesta spunta lu suli e l'arcu balenu cumpari. Mmiraculu spariscenti nun si pò ammucciari- canciau usi, canciau custumi, nun'è chiddu cchiù, macari ntrà lu caminari- sulu mpinzeru havi: a frati Filareto imitari.

Nun'è supirchiusu, avaru, prittinenti fimminaru- o cuntrariu tuttu amurusu- macari affruntuzzunu comu mpicciriddu- succurri, aiuta aiuta lu puopulu ntrà l'occasioni, fa di patri, di frati di figghiu; dunni passa di tutti salutatu- e ccu rispiettu muntuvatu, spissu cu battuti di manu cci fù vanniatu: viva lu binifatturi, lu giustu, l'anuratu!

Ma l'eriva tinta crisci a tutti banni e lu saccu di chiddu ch'è chinu spanni- abbunnanu i mmiriusi, i maligni, ddi gnuranti- chi mancu sannu unni lu nasu cci penni- morbu niuru, pi l'umanità risgrazzia ranni- pirchi fannu cchiù di li grannuli danni, dissiru: "Amastra, aria di frustieri e terra di crapi, ca fina a oggi si tramanna- c'è la misiricordia di Dio ca è cchiù granni, chiffà vidiri ca chiddu chi si simina s'arricogghi- e cu bona la zappa lavigna- bona cci fa la vinnigna.

A paci, u cuetu picca rura ntrà lu munnu, malintisi, ntresi, occasioni, fatti macari apposta- pi rivincita, pi vinnitta- cu s'havi a sciarriari: nei mancanu ne lu pirchi o la raggiuni. Accussi quannu lu trentunu di marzu a campana di Murriali runa lu signali ca l'ura d'è riscattu e d'è sangu era vinuta- e sulu Spillinga si rifiuta- l'Amastratini- ntrà tutti l'occasioni patriotti, vanna- ru a vuci forti: messer Manuele nzi tocca è sangu nuostri! la virità dissiru, pirchi di figghiu amurusu si cumpurtau nzina a la morti.

U Nigghiu pà libbirtà, pi l'amuri dà sò terra e dè sò gente, si mittiu- o sciancu di Pietro d'Aragona e cummattiu, faciennu milli atti di valuri, ma a la fini chinu di centu firiti- sutta li mura di Missina cariu. Baruna, Cavalera, omini d'armi, masculi e fimmini di tutti li vicini cuntrati accurrieru ad Amastra ntrà (oggi)- a chiazza di San Giovanni- unni fù purtatu- a rinnirici l'urtimi onuri a l'arma ginirusa e a cunfurtari la sò figghia addulurata, ca stava avanti a lu corpu addinucchiata.

Atturniatu di leira e di sciuri pi gnornu espostu ristau- accusi quantu frati Filareto avia primu dittu s'avvirau- sir Manuele a ddomu tantu valurusu muortu salutava, lu Nigghiu ntrà la vara stinnicchiatu- iddu pi rispiettu tisu mpalatu. Comu sempri susceri: l'acqua dopu ca s'allurdia pulita diveni e dopu lu malu tempu lu bonu veni; la carma e lu cueto arriturnau, lu puopulu si misi a travagghiari ognunu pi li fatticieddi sui, di li muorti, di tanti peni dulura e vai sulu lu riuordu nn'arristau.

Sir Manuele sbanuti vitti li sò fini- munzignaru, farsu, tuttu sciauru e nenti arrustu lu munnu si cci prisintau- la menti sò s'apriu: la virità sula e ni Dio; accusi di drappu simprici si vistiu, la corda a lu cintu s'attaccou e frati Binnardinu si chiamau; ad Amastra ristau ntrà lu pagghiaru nzemi a lu sò maistru Filareto abbitau- cci fu cumpagnu e cc'iassumigghiau- dè armi ntrà ncorpu foru veru serivi di Diu.

Suora Crucifissa a Santa Nicola muru cù muru dà chiesa di Santu Nicola stava- ogni matina la missa si sintia- a binirizzioni lu Santu Mergu cantava, vuci d'ancilu paria; na li malati e i bisognusi sinni ia- purtamuci chiddu c'havia e putia- cu li patrinnostira a manu s'addummiscia dicennu: Gesù, Giuseppe e Maria. La vita di tutti tri autru scopu n'havia- di acquistarsi mpostu ncelu e si viria ntrà li palori e l'azzioni, ca eranu luntani di li cosi tirreni e umani; granni maravigghia lu Francisi facia, d'iddu assai si pallava e a vucca china si dicia: ma comu lu niuru biancu potti addivintari?... Grannizza di Dio- ca di la petra fici l'acqua spuntari.

Nu passau tempu assai e vinni l'ura, chidda ca nuddu pò fuiri o scappari- lu vintinovi di marzu- frati Filareto n'appi abbisu e ngrazzia si vosi truvari- a lu sò capizzu fici chiamari: suora Crucifissa, frati Binnardinu- gnacunu e mparrinu- comu foru presenti prima a lu solito sò cci surrisi, dopu comu Simione si mittiu a parrari: "fa o Signuri ca lu servu tò si nni va, ghiustu la Tò prumisa, vitti cu l'occhi sò la Tua salute- ni li Tò manu raccumannu l'arma mia, - cu vuatri sia la paci, a carità, l'amuri, a fratillanza, la giusta via, nzurrisieddu tuttu amuri cci fici- l'occhi allauto isau mpocu sarripusau pi cuminciari a parrari a lassa e pigghia; paria vidiri, veniri e passari li tempi luntani cu ccosi boni e cù cosi strani.

Ccà, unni fici io zstu pagghiaru- arresta pi lu stissu usu attia frati Binnardinu- assai nu mpassa dopu la tò morti, cci sarà fabbricatu ngranni casiggiatu pi esseri di ~~vigi~~ neddi d' Signuri abbitatu- chisti campanu di carità e priera- dopu seculi ad'autri puosti sarannu mannati senza nudda curpa aviri- misteri- cu cumanna fa liggi a sò capricciu e piaciri. L'acqua stà mmuvimentu ntrà lu mari- mannò fitissi e li pisci mputissiru campari- lu stissu quannu si friinu li patati s'annu arriminari- accussi si divi canciari- sempri ntrà mpuostu nzi pò stari.

Cumannanti liggi nuovi- si votanu e sbotanu li' cosi, di beni mmiegghiu e a lu ruviersu macari- li suore Benedettine vidunu lu sò cummentu a scoli canciatu e parti a sucità di mastri ratu. Li scoli, li sucità di mutuu succursu sunnu li miegghiu cosi di stù munnu- iddi ponnu granni civiltà appurtari- la miseria l'ignoranza cancellari. Lu beni porta beni tutti l'uri, eccu pirchi di chiddu di lautri sinnàvi a priari, a lu latu na chiesa veni fabbricata, chi porta lu nuomu di nu duppiu martiri gluriusu- da nostra riliggioni difinzuri, di vuatri di vuostri figghi e di niputi pruttitturi.

A ebbichi ancora cchiù luntani, no seculu ca sarannu scinnuti assai nfirradi e campani- si lu tiempu fa: grannuli, nivica, chiovi, o puru frani- si fa sciroccu o trammuntani, cci suliggi ca sti cosi dunanu a ccu ricchizzi a ccu lu pani; na bona cummirità pi li lagnusi iddi cci penzanu sempri a spiculari- dicreti d'accordu a sciupirari- pirchi lu stipenniu è picca- assai l'uri di travagghiaru, offisu tuttu chiddu c'havi cchiù mieritu e valuri, macari lu pani veni risprizzatu e strati strati ittatu, lu patri nù sarà numinatu.... parissi ca lu senza si mittissi a vastari: cu cchiù mierita e travagghia menu divi vuscari, o cuntrariu d'oggi ca cu cchiù pigghia cchiù havi a dari.

A tutti nfacci vosi vardari- comu pi vidiri lu risurtatu di li sò palori, fici nzurrisieddu comu pi diri: grazzi, m'haviti pristatu firi' Carmu suddisfattu, s'arripusau mpocu, comu s'avissi acchianatu na muntata- lu sò sienza avia fat- tu lonca strata- la vita di tanti seculi abbicinata'


Quannu a parrari arripigghiau- la sò vuci era ribbasciata, e parrannu parrannu paria, ca ccicchitiava comu luogghiu di na lampa ca cci spiddia. Pigghiau na

di frati Binnardinu e forti cu la sò la strinciu- chiddu chi t'ha rittu là vis-
tu, là passatu, succiriu, dubbii mpui aviri- fa quantu sempri cchiù pò fari pi
la difisa dà nostra firi. Pi riuordu e tistimunianza ddu postu unni a prima vota
cci simu ncontrati- dda nu pizzu du castieddu- tu Re iu Munachieddu- quannu ssi
grossi mura sunu da tantu tiempu sdirrupati- nu stissu misi dà Matri a Luci e i
Gisanti- Nzinnacu diss'ebbica- pi segnali frustieri e mastro pi tagghiari o
spitali, e la saluti ridari; a spisi sui fa custruiri comu si fussi ngranni
pilieri e ncima la Vergini Santa cci fa situari.

Ranni festa cù pirsunaggi da chiesa- mai primu visti ad Amastra ssa iurnata-
tuttu lu puopulu nesci ntra la strata e li va a ncontrari- intra restanu sulu li
li ciunchi e li malati- onuri pi tutti li citatini, mieritu, capacità di cù l'ha
nvitati. Certa gente....assai mpulitica nfrascata- ca nzustanza tuttu penza, fa
e talia, ferchi di chiddu ca cu la vucca dici e vanna, ntrà ogni cosa chi si fa
e succeri mnè spiculanti: spissu macari cciarrinesci di fari agghiuttiri lu
quattru pi cinqu a i gnuranti; ma lu suli è suli...nzi pò ammucciari o puru ni
lu saccu nfilari- cu a vitità, cu la riliggioni, cu lu focu assai nzi pò babbu-
ari- ca u cuntrario di chiddu ca si pritenni fa risurtari e certi cusuzzi ca
nconterunu misi o cuntu scummigghiari.

A stù puntu- lu Crucifissu si mittiu a vasari- paria ca si lu vulia manciari-
la manu di frati Binnardinu abbannunau- parsi fari nzignali comu cù saluta-
fici nzuspiru assai prilungatu- la vucca apriu e chiuriu cchiù di nà vota, a
facci ddu culuri dà cira cciaddivintau- l'arma di lu corpu si spartiu e mpara-
risu si nni vulau: Iddu chi prea lu Signuri pinnui!....

Li prisenti s'addinucchiaru e lu deprofuntusi cci cantaru, nzemi a tanti aggen-
tuzzi c'accurreru. Nciauru di rosi frischi lu pagghiaru profumau- pi diversi
iorna si sintiu e si priau a lu Signuri di mannari- firili serivi sui Amastra
in ogni tempu a cuvirnari; si priau a Maronna da Luci- ca unni verra c'è chi
metti paci.



La santarmuzza d'ò Cumminnaturi Livrera Pasquale stà liggenna scrivuta mpirfettu stili Talianu mi didicau-
 iu mastricieddu scarsuliddu vardiddaru di li tempi mii: quannu si facienu li visazzotti e li caprista di pannu, lana e sita; ora chiddi troppu avantati, li fannu di cimarra, di pezzi acculurati e pi cuoriu tila ncirata- cu pacienza ((1°)) e fantasia- ntrà la putia di Menzancilu chiamata- cù simplicità e cù parrari anticu- l'haju ripurtata comu mè nanna Ciccìa (a lapara supprannuminata) -ca leggiri nzapia- o Cumminnaturi e amma nna cuntau- ddu iornu ca ntrà l'ufficiu d'ò Cumminnaturi la ricchezza mobili cuncurdau- e puru ddu...ialantuomu quannu cci fici u ricursu a Missina nci barau. ((2°))

Penzu c'havissi pututu dari piaciri a chiddi chi amanu -ntrà la vita- di quantu cchiù canusciri e sapiri, priannuli d'accittari: li mè boni ntinzioni, li mè pinzeri, pirchè spi'ssu mi succeri- ca li palori nù currispunninu a chiddu ca l'animu vurria diri.

Cumali nun fà nu lu pò pinzari- e lu pirduna quannu lu ricivi- ntrà lu stissu tiempu vi vuogghiu assicurari: di esseri puru sangu AMASTRATINU, rispiettu a riligioni, a tutti e nù bivu vinu- ma lu saccu spanni di socchi è chinu.

((1°)) "Ca sempri scriviri fa chissu!...."

((2°)) vedi appunti e riuordi pirsunali.

Filippo Basilio